



BOSNIA AND HERZEGOVINA MINE ACTION CENTRE

Broj: JN1/03-50-5-24/23
Sarajevo, 01.09.2023. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14 i 59/22), na preporuku Komisije za javne nabavke (u daljem tekstu: Komisija) broj: JN1/03-50-5-24/23 od 30.08.2023. godine, direktor Centra za uklanjanje mina u Bosni i Hercegovini- BHMAC (u daljem tekstu: Ugovorni organ), donosi:

ODLUKU

o izboru najpovoljnijeg ponuđača u postupku javne nabavke materijala
LOT 3 – Administrativni materijal

Član 1.

(Predmet Odluke)

Prihvata se Preporuka Komisije broj: JN1/03-50-5-24/23 od 30.08.2023. godine i ugovor za javnu nabavku materijala **LOT 3 – Administrativni materijal** dodjeljuje najpovoljnijem ponuđaču:

AERO EXCLUSIVE d.o.o. za ponuđenu cijenu u iznosu od **200,00 KM** bez PDV-a, odnosno **234,00 KM** sa PDV-om.

Član 2.

(Dostavljanje dokumentacije)

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije onih dokumenata koje nije dostavio, a koji su traženi u tenderskoj dokumentaciji (član 45.stav 2. Zakona).

Član 3.

(Prijedlog ugovora)

Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama BiH.

Član 4.

(Objava Odluke)

Ova Odluka objavit će se na web-stranici BHMAC-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-24/23 od 13.07.2023. godine.

Obavještenje o nabavci je objavljeno na Portalu javnih nabavki broj: 1407-7-1-22-3-25/23 od 03.08.2023. godine.

Javna nabavka je provedena putem konkurentskog zahtjeva za nabavku materijala, ista je podjeljena na četiri LOT-a i to LOT 1 – Kompjuterski materijal, LOT 2 – Kancelarijski materijal, LOT 3 – Administrativni materijal i LOT 4 – Materijal za čišćenje.

Procijenjena vrijednost nabavke za LOT 1 iznosi 9.401,71 KM bez PDV-a, za LOT 2 iznosi 8.547,01 KM bez PDV-a, za LOT 3 iznosi 1.709,40 KM bez PDV-a i za LOT 4 iznosi 7.692,31 KM bez PDV-a.

Kriterij za dodjelu ugovora je najniža cijena kao što je predviđeno tačkom 12. predmetne tenderske dokumentacije.

Rješenjem broj: JN1/03-50-5-24/23 od 03.08.2023. godine imenovana je Komisija za nabavku materijala koja je provela predmetni postupak.

Krajnji rok za dostavljanje ponuda je bio 16.08.2023. godine u 11:00 časova, a javno otvaranje ponuda je izvršeno istog dana u prostorijama Centra za uklanjanje mina u BiH na adresi Kasindolska 192, sa početkom u 11:30 časovai što je konstatovano Zapisnikom sa otvaranja ponuda broj: JN1/03-50-5-24/23 od 16.08.2023. godine, a u istom je utvrđeno da je za **LOT 3:**

- ukupan broj pristiglih ponuda, tri ponude
- ukupan broj blagovremeno pristiglih ponuda, tri ponude
- nije bilo neblagovremeno pristiglih ponuda, i
- nije bilo prisutnih predstavnika ponuđača.

Nadalje, za LOT 3, do roka koji je određen za dostavljanje ponuda tenderskom dokumentacijom, pristigle su sljedeće ponude, prema redoslijedu zaprimanja:

1. Ponuda ponuđača Aero Exclusive doo, Kolodvorska broj 12, 71000 Sarajevo;
2. Ponuda ponuđača R &S doo Sarajevo, Igmanska b.b, 71320 Vogošća;
3. Ponuda ponuđača Defter doo, Gatačka br.20, 71000 Sarajevo.

Dostavljanje Zapisnika sa otvaranja ponuda broj: JN1/03-50-5-24/23 izvršeno je istog dana, neposredno nakon otvaranja ponuda.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija je izvršila poređenje cijana ponuda ponuđača za LOT 3 – Administrativni materijal kako slijedi. Ukupna cijena ponude ponuđača Aero Exclusive doo Sarajevo bez PDV-a iznosi 585,40 KM. Ukupna cijena ponude ponuđača R&S doo Sarajevo bez PDV-a iznosi 1.680,26 KM. Ukupna cijena ponude ponuđača Defter doo Sarajevo bez PDV-a iznosi 1.482,68 KM..



Postupajući u skladu sa članom 66. ZJN i članom 17. stav (7) Uputstva, kojim je određeno da Ugovorni organ obavezno traži od ponuđača pismeno pojašnjenje cijena ponuda koju smatra neprirodno niskom ako su ispunjeni sljedeći uslovi:

- a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
- b) cijena ponude je za više od 20% niža od cijene drugorangirane prihvatljive ponude

Komisija je sačinila i uputila dopis ponuđaču Aero Exclusive doo Sarajevo u kojem je zatražila pisano pojašnjenje neprirodno niske cijene ponude. Ponuđač Aero Exclusive doo Sarajevo je dostavio pisano pojašnjenje cijena ponude akt broj: 2533/23 od 23.08.2023. godine, u kojem je dostavio kalkulaciju nabavnih cijena elemenata ponude, u svrhu opravdavanja neprirodno niske cijene (akti u prilogu).

Komisija je nakon sagledavanja pojašnjenja zauzela stav da je ponuđač dostavio osnovano pojašnjenje neprirodno niske cijene.

U skladu s tačkom 6. predmetne tenderske dokumentacije, unesene su sve prihvatljive ponude za LOT 3 - Administrativni materijal u sistem e-Nabavke. E-aukcija je provedena u skladu sa odredbama Pravilnika o uslovima i načinu korištenja e-aukcije („Službeni glasnik BiH“ broj: 66/16) a ista je zakazana na dan 30.08.2023. godine za LOT 3 u 12,30 časova.

Nakon okončane e-aukcije, a u skladu sa izvještajem o toku i završetku e-aukcije, Komisija je za LOT 3 - Administrativni materijal utvrdila konačnu listu (izvještaj o toku i završetku e-aukcije u prilogu zapisnika) kako slijedi:

LOT 3 - Administrativni materijal

R.br.	Naziv ponuđača	Konačna cijena u KM bez PDV-a	Rang
1	Aero Exclusive doo Sarajevo	200,00	1
2	Defter doo Sarajevo	249,00	2
3	R&S doo Sarajevo	537,31	3

U skladu sa navedenim Komisija jednoglasno daje preporuku Direktorima da donese Odluku o dodjeli ugovora za nabavku materijala LOT 3 – Administrativni materijal za potrebe Centra za uklanjanje mina u BiH ponuđaču

AERO EXCLUSIVE d.o.o, sa ukupnom ponuđenom cijenom u iznosu od 200,00 KM bez uključenog PDV-a, odnosno 234,00 KM sa PDV-om.

Komisija za javnu nabavku je direktoru dostavila Izvještaj o ocjeni ponuda s preporukom o izboru najpovoljnijeg ponuđača broj: JN1/03-50-5-24/23 od 30.08.2023. godine. U postupku ocjene provedenog postupka, direktor nije našao nepravilnosti, niti propuste u radu komisije, koji bi predstavljali osnov za neprihvatanje preporuke Komisije za javne nabavke.

Dakle, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Obzirom na navedeno, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke u skladu sa članom 99. i 101. Zakona. Žalba se podnosi u dovoljnom broju primjeraka, a koji ne može biti manji od tri.

